



**SA BOERPERD  
TELERSGENOOTSKAP / BREEDERS' SOCIETY**  
*The Ideal Sporting and Pleasure Horse*

## KEURINGSHANDLEIDING

	<b>INHOUD</b>	<b>INDEX</b>
1	INLEIDING	INTRODUCTION
2	KEURDERS	INSPECTORS
3	TIPES KEURING	TYPES OF INSPECTION
4	ADMINISTRATIEWE VOORBEREIDING VIR KEURING	ADMINISTRATIVE PREPARATION FOR INSPECTION
5	AANSOEK OM KEURING	APPLICATIONS FOR INSPECTIONS
6	DIE KEURINGSPROES	THE INSPECTION PROCESS
7	TERUGVOER NA KEURING	FEED BACK AFTER INSPECTION
8	APPÈL AANSOEKE	APPEAL AAPPLICATIONS
9	ONDERNEMING DEUR DIE EIENAAR VAN DIE PERD	UNDERTAKING BY THE OWNER OF THE HORSE

### 1. INLEIDING

#### 1.1 Algemeen

Keurders gebruik nie die keuringsproses om enige perd te benadeel of te bevoordeel nie. Die plig van die keurders is om 'n perd te evalueer volgens die minimum rasstandaard en kriteria soos uiteengesit in die Konstitusie van die SA Boerperd Telersgenootskap. Daar kan met trots na 'n gebrande SA Boerperd verwys word as 'n verteenwoordiger en ambassadeur van die SA Boerperd ras. Hingste en Merries is die teelmateriaal van die Genootskap en die reunperde die resultate.

#### 1.2 Minimum vereistes t.o.v. hoogtemaat

Die amptelike minimum hoogtemaat van volwasse SA Boerperde (1hand = 10,1cm), is soos volg:

Hingste	:	14.2h (143cm)
Merries	:	13.3h (134cm)

#### 1.3 Minimum slaagvereistes t.o.v. hingste, merries & reuns

Hingste	:	75%.
Merries	:	70%
Reuns	:	70%

Om te kan slaag, moet 'n perd se gemiddeld (bereken op die gesamentlike berekening van die beoordelaars teenwoordig), die minimum slaagsyfer behaal.



## **2. KEURDERS**

### **2.1 Keurders as Ampsdraers**

Keurders word deur die Raad aangestel soos benodig. Keurders moet lede van die Genootskap wees.

- 2.1.1 Keurders word aangestel uit die paneel van Senior Beoordelaars.
- 2.1.2 Keurders is ampsdraers van die Genootskap en hul beslissings moet as sodanig deur die lede aanvaar word.
- 2.1.3 Alle keurders moet voor aanvang van die jaarlikse keuring 'n opknappingskursus bywoon om 'n keuringstoer te kan uitvoer.
- 2.1.4 Die Raad sal van tyd tot tyd die paneel van keurders in heroorweging neem, en daaruit sodanige name verwyder of vervang/byvoeg, soos wat nodig geag mag word.
- 2.1.5 Keurders moet altyd poog om onderling tot 'n ooreenkoms te kom, alvorens uitspraak oor 'n dier gegee word.
- 2.1.6 Alle inligting en kennis waaroor 'n keurder beskik met betrekking tot perde in die Genootskap, moet as vertroulik hanteer word.
- 2.1.7 Keurders moet op hoogte wees met die familietrekke, asook goeie en swak eienskappe van die onderskeie bloedlyne.
- 2.1.8 Keurders moet op hoogte wees met die administratiewe deel van die keuring.

### **2.2 Kwalifikasie-vereistes:**

- 2.2.1 Teoretiese eksamen.
- 2.2.2 Die praktiese eksamen sal op uitnodiging plaasvind en moet deur die volgende praktiese ervaring vooraf gegaan word:
  - Minstens 3 merrie- en reu keuringstoere
  - Minstens 3 hingskeurings (uit KwaZulu-Natal-, Mpumalanga-, Vrystaat-, Gauteng-, Wes-Kaap streke) moet bygewoon word.
  - Die kandidaatkeurder se uitslae word daarna volgens 'n puntetaal vergelyk met keurders se vooraf keuring om sy/haar kennis en vaardighede te evalueer.
  - Algemene kennis oor die SA Boerperd asook menseverhoudinge sal in ag geneem word.
- 2.2.3 Alle bevorderings moet deur die Raad goedgekeur word en keurders sal slegs aangestel word volgens die diskresie van die Raad.

## **3. TIPERS KEURING**

Daar is tans 5 tipes keuring beskikbaar soos hieronder beskryf.

### **3.1 Keuringstoere vir merries & reuns**

Keurders besoek verskillende venues om daar groeperings van merrie / reuns te keur.

- Vooruit betaalbaar.
- Reiskostes word verdeel en na afloop van die keuringsproses gefaktureer.

### **3.2 Hingskeurings**

Hingskeurings word deur klubs / keurders op 'n sentrale plek in verskillende streke gereël en die hingste word op eie onkoste en met eie vervoer daarheen gebring vir keuring.

- Vooruit betaalbaar.

### **3.3 Spesiale keurings**



Spesiale keurings wat nie onder die normale keuringsprosedures plaasvind nie, kan slegs deur skriftelike aansoek aan die Raad geëvalueer en goedgekeur word. 'n Voorbeeld van 'n geldige aansoek om spesiale keuring, sou kudeveelings insluit.

- Spesiale fooi vooruit betaalbaar.
- Alle reiskostes word gefaktureer.

### **3.4 Laat aansoeke**

Laat aansoeke word as Spesiale keurings, met die heffings daaraan verbonde, hanteer.

### **3.5 Keuring van nie-lede**

Al onderstaande vereistes is van toepassing.

- Spesiale heffing.
- Reiskostes.

## **4. ADMINISTRATIEWE VOORBEREIDING VIR KEURING**

### **4.1 Geboortekennisgewing**

Die geboorte-kennisgewing moet volledig ingevul word en so gou as moontlik (verkieslik binne 90 dae) na geboorte tesame met die vul se haar-monster aan die kantoor gestuur word. Indien die vul se geboorte elektronies op [www.logix.org.za](http://www.logix.org.za) aangeteken word, kan 'n uitdruk van die aantekening saam met die haar monster aan die kantoor gestuur word. 'n Ekstra heffing is van toepassing op laat aantekeninge.

### **4.2 DNS verifiëring**

Die haarmonster moet in 'n papier koevert geplaas word wat duidelik gemerk is met die volgende besonderhede:

- i Naam van die eienaar en stoet;
- ii Naam van vul;
- iii Tatoeër nommer of mikroskyfie nommer (lg. verkieslik);
- iv Geboorte kennisgewing nommer.

Indien 'n teler/lid nie weet hoe om 'n haarmonster te trek nie kan 'n Keurder, Raadslid of streekverteenwoordiger gekontak word om van hulp te wees.

Indien u nie u vul reeds elektronies op logix aangeteken het nie, sal die kantoor by ontvangs van die harde kopie die geboorte kennisgewing elektronies aanteken, verifieer en na SA Stamboek deurgee vir opname in die stelsel en aanbring op u Per Kapita lys. 'n Registrasie nommer word aan die vul toegeken. Sodra die DNS profiele en korrekte ouerskap verifiëring van die Laboratorium ontvang is, sal 'n DNS sertifikaat aan u uitgereik word.

Indien die DNS verifiëring nie korrek is nie, sal die teler/lid in kennis gestel word deur die kantoor sodat die nodige reëlins getref kan word om dit reg te stel. GEEN DIER KAN VOOR KEURING GEBRING WORD AS OUERSKAP NIE GEVERIFIEER IS NIE.

### **4.3 Eienaarskap: Leenoordragte & Dekkingsertifikate**

Indien die vaar of moer van die vul nie aan u behoort nie, moet 'n dekkings- of leensertifikaat wat deur die eienaar daarvan ingevul en onderteken word. Die belangrike dokument moet ook die geboorte-kennisgewing van die vul vergesel. Dit kan ook elektronies op [www.logix.co.za](http://www.logix.co.za) gedoen word.



#### **4.4 Hangende vul aantekening (“Pending”)**

Indien enige inligting, soos hierbo genoem, ontbreek word die vul se registrasie op “Hangende” (Onafgehandel) (“Pending”) geplaas en sal die kantoor die lid in kennis stel daarvan sodat die nodige gedoen kan word om dit reg te stel. Daar kan onderskeie redes daarvoor wees bv.:

- Ongeverifieerde ouerskap;
- Ontbrekende dekkingsertifikate;
- Ontbrekende leenoordragte;
- Vaar se CEM nie op datum nie;

### **5. AANSOEK OM KEURING**

#### **5.1 Ouderdom van Perde**

Wanneer vullens die ouderdom van 2 jaar bereik sal die kantoor aan die teler/lid ’n kennisgewing stuur van die diere wat in aanmerking kom vir keuring in die daaropvolgende jaar, asook reeds gekeur kon gewees het. ’n Perd behoort minstens 2 jaar oud te wees ten tye van die keuringsproses.

Keuring moet verkieslik afgehandel wees voor ’n dier die ouderdom van 4 jaar bereik, aangesien geen ongebrande perd ouer as 4 jaar aan SA Boerperd Skoue & Kampioenskappe mag deelneem nie.

#### **5.2 Kennisgewing van keuringsaansoeke**

Aansoekvorms vir keuring word jaarliks vanaf November/Desember beskikbaar gestel. Lede word per sms, e-pos en Nuusbrief (Communicator), asook op die webblad ingelig van die nuwe jaar se keuringsaansoeke. Navrae kan aan die kantoor of Raadslid taakgemagtig met KEURINGS gerig word.

#### **5.3 Aansoekvorms**

Dit is telers/lede se eie plig om te verseker dat aansoekvorms vir keuring ontvang is voor die kantoor in Desember sluit. Daarna sal die inligting op die webblad [www.saboerperd.com](http://www.saboerperd.com), sowel as Logix [www.logix.org.za](http://www.logix.org.za) beskikbaar wees.

- 5.3.1 Aansoekvorms moet volledig ingevul word en al die blokkies moet volledig en duidelik gemerk wees.
- 5.3.2 Dit is belangrik dat ’n padkaart met duidelike aanwysings na die punt van keuring op die keersy of meegaande e-pos saam met die aansoek ingehandig sal word. GPS koördinate is verpligtend.
- 5.3.3 Indien die aansoek vir keuring vir een of meer redes nie volledig of korrek is nie, kan dit deur die kantoor aan die teler/lid teruggestuur word en die aansoekskostes deur die teler/lid verbeur word.
- 5.3.4 ’n Spesifieke dier kan slegs een keer per jaar voor keuring gebring word.

#### **5.4 Finansies**

Keuringsaansoeke werk op ’n kontant basis.

- 5.1.1 Geen keuringsaansoek sal aanvaar word sonder ’n bewys van betaling nie.
- 5.1.2 Geen keuringsdiens sal gelewer word indien die aansoeker se rekening nie ten volle op datum en vereffen is nie.
- 5.1.3 Nadat die keuring afgehandel is, word die finale reiskostes bereken en verdeel waarna lede vir die uitstaande bedrag gefaktureer word.
- 5.1.4 In die geval van ’n appèl, moet ’n deposito en bewys van betaling soos vasgestel op die heffingslys, die aansoek vergesel. Indien die appèl toegestaan word, word die teler te rekening weer daarmee gekrediteer.
- 5.1.5. Reiskostes word soos volg bereken:  
Die totale afstand (km) word verdeel deur die aantal keuringspunte wat besoek is. Almal betaal dus dieselfde bedrag. Namibië word apart bereken.



- 5.1.5.1 Indien 'n teler verskillende diere op twee plekke perde laat keur, en daar sou op die tweede punt wel keuring plaasgevind het, betaal hy/sy net vir een keuring se reiskostes.
- 5.1.5.2 Indien 'n perd op die dag van keuring op 'n alternatiewe plek staan wat nie vooraf geskeduleer is vir keuring nie en die keurders 'n addisionele punt moet besoek, sal ekstra reiskostes daarvoor gehef word.

## 6. DIE KEURINGSPROSES

### 6.1 Reëlins t.o.v. keuringsvenue / -toere

Indien die skriftelike aansoek om keuring as korrek aanvaar is, sal die betrokke Keurder(s) met die lid in verbinding tree en reëlins tref van wanneer die keuring gaan plaasvind. Lede word versoek om hulle volle samewerking aan die Keurders te verleen om hulle taak te vergemaklik en om die proses so glad as moontlik te laat verloop.

- 6.1.1 Keuringstoere word uitgevoer volgens 'n roete-program soos opgestel deur die Kantoor / keurderskomitee.
- 6.1.2 Perde sal slegs gekeur word by die keuringspunt soos op keuringsaansoek aangedui is.
- 6.1.3 Die plek en tyd van keurings sal gedurende die keuringstoer weer met die teler bevestig word. Indien daar veranderinge nodig mag wees a.g.v. onvoorsiene omstandighede, sal dit ook betyds aan die lid gekommunikeer word.

### 6.2 Keuringsvereistes

Dit is belangrik dat die teler/eienaar seker maak dat die perd se mikroskyfie duidelik leesbaar is voordat die keurders opdaag. Perde waarvan die identiteit nie positief en herhaaldelik bevestig kan word nie, sal nie gebrand word nie.

- 6.2.1 Alle mikroskyfies moet duidelik en leesbaar wees.
- 6.2.1 Indien die perd van 'n mikroskyfie voorsien is, moet die teler/lid sorg dat 'n skandeerder op die dag van keuring beskikbaar is in gevalle waar mikro-skyfies nie by SA Stamboek aangekoop is nie.
- 6.2.1 Indien dit sou gebeur dat 'n ingeplante mikroskyfie gemigreer het en nie op die dag van keuring opgespoor en gelees kan word nie, kan die perd gekeur, maar nie gebrand word nie. 'n Nuwe mikroskyfie sal tydens dieselfde keuringsdag deur die keurders ingeplant word en elektronies (logix) aan die spesifieke perd se profiel gekoppel word. Wanneer die dier se identiteit met die nuwe mikroskyfie en DNS herbevestig kan word, kan die naaste keurder die dier brand op voorwaarde dat hy wel weer die dier weer positief kan identifiseer.
- 6.2.2. 'n Perd wat voor keuring gebring word, moet in 'n redelike kondisie wees, nie om foute te probeer wegsteek nie, maar om die perd 'n billike kans te gee om goed te vertoon en te ontwikkel.
- Alle perde moet handmak wees.
  - Hingste word sonder skoene vertoon.
- 6.2.3 Tydens die keuringsproses sal die keurders die eienaar inlig van wat van hom/haar verwag word indien die lid nie vertrou is met die prosedure nie.
- 6.2.4 Telers/lede word versoek om die keurders die nodige privaatheid te gee om die perd te evalueer.

### 6.3 Toediening Van SA Boerperd Brandmerk

Die SA Boerperd brandmerk op die regter boud is die kenmerkende teken van kwaliteit.

- 6.3.1 Indien die perd die keuring slaag, sal die SA Boerperd brandmerk op dieselfde dag aangebring word. Die eienaars mag aan die keurders versoek om die perd namens hulle te brand.
- 6.3.2 Hingste wat OORSTAAN, maar as reünperde aanvaarbaar is, mag na kastrasie deur die naaste keurder gebrand word indien die identiteit van die betrokke REUN geverifieer kan word.



## **6.4 Gedragkode Tydens Keuring**

Lede word versoek om hulle volle samewerking aan die Keurders te verleen om die proses so glad as moontlik te laat verloop.

- 6.4.1 Eienaars, vertoners en toeskouers moet hulle beleefd en beskaafd te gedra.
- 6.4.2 Fisieke geweld, lasterlike en/of beledigende taal, sowel as onweloweglike tekens en gebare is onaanvaarbaar.
- 6.4.3 Eienaars, vertoners en gevolmagtigdes moet selfbeheersing en respek toepas, asook hoflikheid en verdraagsaamheid teenoor mekaar, die beoordelaars en/of keurders betoon.
- 6.4.4 Onbetaamlike reaksie op beslissings van beoordelaars en keurders is onaanvaarbaar. Indien daar ongelukkigheid is oor 'n uitslag, kan die appèlprosedures gevolg word.
- 6.4.5 Hardhandigheid/wreedheid teenoor perde sal nie geduld word nie. Ernstige gevalle sal by DBV/SAPD aangemeld word.

## **7. TERUGVOER NA KEURING**

Wanneer die keuring afgehandel is sal die keurders enige vrae en besprekings aangaande die perd met graagte beantwoord.

### **7.1 Inspeksie puntekaarte**

Inspeksiepuntekaarte is na keuring beskikbaar vir besigtiging deur die eienaar, maar punte is nie oop vir bespreking nie.

### **7.2 Registrasiesertifikate**

Diere wat tydens keuring geslaag het sal so gou as moontlik 'n registrasie sertifikaat wat uitgereik word deur SA Stamboek van die kantoor ontvang. Dit is ook elektronies op [www.logix.org.za](http://www.logix.org.za) beskikbaar.

### **7.3 Oorstaan van perde wat nie gekeur is nie**

Geen perde word afgekeur nie, maar word slegs oorgestaan vir verskeie redes soos bv. onvolwassenheid. Telpers/lede mag elke jaar aansoek doen vir keuring van 'n perd wat oorstaan. 'n Spesifieke dier mag egter slegs EEN keer per jaar voor keuring gebring word.

### **7.4 Keuring van die nageslag van 'n ongekeurde perd**

Geen nageslag van 'n hings of merrie wat oorgestaan het, mag aangeteken word nie. Indien sodanige perd wel later keuring slaag, kan sy/haar nageslag terugwerkend aansoek doen vir keuring. Die normale terme en voorwaardes is van toepassing.

## **8. APPÈL PROSEDURES**

Indien 'n teler ontevrede is met die keurders se beslissing, kan die skriftelike appèl volgens die hieronder uiteengesit, gevolg word:

- 8.1 Skriftelike appèl moet binne 1 week (7 dae) na die inspeksie by die kantoor ingedien word;
- 8.2 Sodanige appèl moet met 'n bewys van betaling van deposito, soos van tyd tot tyd deur die Raad bepaal word, vergesel word.
- 8.3 'n Appèlraad wat deur die Raad van die Genootskap aangewys is, sal die versoek evalueer en indien nodig, die betrokke dier(e) herinspekteer.
- 8.4 Met herinspeksie sal die betrokke hoofkeurder die twee aangewese appèlkeurders vergesel vir herkeuring.



8.5 Indien die appèl slaag, sal die deposito terugbetaal word. Indien nie, verbeur die applikant sy deposito en is verantwoordelik vir alle ander addisionele kostes.

## 9. ONDERNEMING DEUR DIE EIENAAR VAN DIE PERD

Met die volledige voltooiing van die keuringsaansoekvorm, onderneem die eienaar van die perd(e) die volgende:

- 9.1 dat die identifikasie van elke perd deeglik en duidelik leesbaar is (verkieslik mikro-skyfie);
- 9.2 dat hy/sy 'n skandeerder vir die mikro-skyfie sal voorsien indien lg. nie deur SA Stamboek aangekoop is nie;
- 9.3 dat ouerskap is d.m.v. DNS toetse geverifieer is;
- 9.4 dat hy/sy kennis dra daarvan dat die kudde brand of kenmerk van 'n stoet opsioneel is;
- 9.5 dat die Keurdersfooie en bewys van betaling aan die kantoor gestuur is;
- 9.6 dat sy/haar algemene rekening vereffen is;
- 9.7 dat die *Padroete, sowel as GPS koördinate* na die keuringsbestemming aangeheg en aan die kantoor gestuur is;
- 9.8 dat hy/sy aanvaar dat sy/haar aansoek nie noodwendig beteken dat die betrokke perd(e) gekeur sal word na gedurende inspeksie nie;
- 9.9 dat hy/sy sal voldoen aan die gedragskode;
- 9.10 dat hy/sy genoegsame fasiliteite en hulp gedurende die keuring sal voorsien;
- 9.11 dat hy/sy of 'n gevolmagtigde persoon teenwoordig sal wees tydens die keuring;
- 9.12 dat hy/sy slegs perde voor keuring bring wat volgens die kantoor se lys aan al die vereistes t.o.v. keuring voldoen;
- 9.13 dat onvoorsiende veranderings en foute reeds aan die kantoor deurgegee en reggestel is waar nodig;
- 9.14 dat hy/sy sal hou by die keuringsprotokol;
- 9.15 dat die betrokke perd handmak is.

